


ՀՀ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅԱՆ


«ԿՈՏԱՅՔԻ ՏԱՐԱԾԱՇՐՋԱՆԱՅԻՆ ՊԵՏԱԿԱՆ ՔՈԼԵՉ» ՊՈԱԿ

Հաստատում եմ  Ռ. Մարտիրոսյան

Կոտայքի տարածաշրջանային

պետական քոլեջի կառավարման

խորհրդի նախագահ

«16»  2018 թվական

ՔԱՂԱՔԱԿԱՆՈՒԹՅՈՒՆ

ՈՐԱԿԻ ՆԵՐՔԻՆ ԱՊԱՀՈՎՄԱՆ

ԿԵՆՏՐՈՆԻ

ՀՐԱԶԴԱՆ 2018

1. ԸՆԴՀԱՆՈՒՐ ԴՐՈՒՅԹՆԵՐ

1.1. Կոտայքի տարածաշրջանային պետական քոլեջի առաքելությունը նպատակաուղղված է՝ որակյալ մասնագետների պատրաստմանը՝ կրթական ծառայությունների ճկունությունը աշխատաշուկայի փոփոխությունների նկատմամբ՝ կրթական բարձրակարգ նվաճումների տարեցտարի արագացող աճին՝ օպտիմալ պայմաններով արդյունավետ և որակյալ ուսուցման ապահովմանը՝ ցանկացած տեղում և ցանկացած ժամանակ շտաբաշրջանային և միջազգային համագործակցության ներուժը զարգացնելուն, քոլեջի ներուժի զարգացմանը, կրթական գործունեության արդյունավետության և կրթության որակի բարձրացման շնորհիվ՝ շրջանավարտների մրցունակության բարձրացմանը:

1.2. ԿՏՊԲ-ն որակի ապահովման գործընթացներում և ընթացակարգերում առաջնորդվում է.

- «Կրթության մասին» ՀՀ օրենքով,
- «Միջին մասնագիտական և նախնական(արհեստագործական) կրթության մասին» ՀՀ օրենքով,
- ԿՏՊԲ-ի զարգացման ռազմավարության սկզբունքներով,
- Որակի ապահովման եվրոպական և ազգային չափանիշներով և չափորոշիչներով,
- Նախորդ տարիներին կատարած աշխատանքների վերլուծության արդյունքներով:

Որակի քաղաքականությունը ԿՏՊԲ-ի նպատակների, խնդիրների, ինչպես նաև ռազմավարական սկզբունքների և արժեքների հոշակագիրն է կրթության որակի բնագավառում: Կրթության որակի ապահովումը ԿՏՊԲ-ի ծրագրային առաջնայնությունների օրակարգում է, որը միջին մասնագիտական կրթության զարգացման և անհրաժեշտ գիտելիքների ստեղծման, փոխանցման և տարածման հիմնասյուներից է:

2. ՈՐԱԿԻ ՆԵՐՔԻՆ ԱՊԱՀՈՎՄԱՆ ՔԱՂԱՔԱԿԱՆՈՒԹՅԱՆ ՆՊԱՏԱԿԸ

2.1. ԿՏՊԲ-ում որակի ապահովման սույն քաղաքականության նպատակն է սահմանել քոլեջում կրթության որակի ապահովման սկզբունքները, մոտեցումները և ուղղությունները:

3. ՈՐԱԿԻ ՆԵՐՔԻՆ ԱՊԱՀՈՎՄԱՆ ՔԱՂԱՔԱԿԱՆՈՒԹՅԱՆ ԽՆԴԻՐՆԵՐԸ

3.1. ԿՏՊԲ-ում որակի ներքին ապահովման քաղաքականության խնդիրներն են՝

- Տրամադրել հրահանգավորումներ ԿՏՊԲ-ի վարչական անձնակազմին և կառուցվածքային ստորաբաժանումների շահագրգիռ ներկայացուցիչներին՝ որակի ներքին ապահովման ընթացակարգերի մշակման և ներդրման նպատակով,

- Ապահովել որակի մշակույթի ստեղծման նախադրյալներ,
- Ապահովելով միջին մասնագիտական կրթության բնագավառում առկա ձեռքբերումները, ազգային առանձնահատկությունները, հիմնարար գիտելիքները՝ իրականացնել պետության, հասարակության և անհատի՝ տվյալ ժամանակահատվածին համահունչ բարձ-րորակ կրթություն,
- Խթանել հետազոտության ինտեգրումը դասավանդման և ուսուցման գործընթացներում, ապահովել դրանցում ուսանողների ներգրավվածությունը,
- Խթանել որակի շարունակական բարելավման մշակույթի ներդրումը,
- Մշակել չափանիշներ նմանատիպ կրթական ծրագրեր իրագործող քոլեջների հետ՝ համեմատությունների իրականացման և լավագույն փորձի տարածման նպատակով:

4. ՈՐԱԿԻ ՆԵՐՔԻՆ ԱՊԱՀՈՎՄԱՆ ՔԱՂԱՔԱԿԱՆՈՒԹՅԱՆ ՄԿՁԲՈՒՆՔՆԵՐԸ ԵՎ ԴՐԱՆՑ ԻՐԱԳՈՐԾՈՒՄԸ

4.1. ԿՏՊՔ-ն որակի ապահովման իր գործընթացներում առաջնորդվում է հետևյալ սկզբունքներով.

- ԿՏՊՔ-ում բոլոր գործընթացները և աշխատանքները իրականացվում են՝ հիմք ընդունելով ԿՏՊՔ-ի առաքելությունը և ռազմավարությունը.
- ԿՏՊՔ-ում որակի ապահովման համակարգը, ընթացակարգերը և գործընթացները պետք է ուղղված լինեն միջին մասնագիտական կրթության բնագավառում ուսումնական գործընթացների կազմակերպման, դրանց բովանդակության, ինչպես նաև ուսանողներին տրամադրվող ծառայությունների և կառավարման համակարգի թերացումների շտկմանը, դրանց որակի խթանմանը և բարելավմանը.
- ԿՏՊՔ-ում որակի ապահովման գործընթացների ապահովման և բարելավման նպատակով դրանք պետք է հիմնված լինեն իրական փաստերի վրա տեղեկատվական նոր տեխնոլոգիաներով գործառական տվյալների հավաքման և վերլուծման միջոցով.
- Որակի ապահովման խնդիրները, ինչպես նաև դրանց հասնելու ուղիները, ընթացակարգերը և միջոցները պետք է ձևակերպված լինեն հստակ, շոշափելի, իրագործելի տվյալ աշխատանքների համար նախատեսված խելամիտ ժամկետներում.
- ԿՏՊՔ-ում որակի ապահովման համակարգը, ընթացակարգերը պետք է հասանելի լինեն ԿՏՊՔ-ի կառուցվածքային ստորաբաժանումների շահագրգիռ ներկայացուցիչների դիտարկմանը, ուսումնասիրմանը և հետադարձ կապի ապահովմանը, որը կստեղծի ԿՏՊՔ-ում որակի ապահովման նկատմամբ գործընկերային և թիմային մոտեցման մթնոլորտ

4.2. ԿՏՊՔ-ն իր ռազմավարությամբ և առաքելությամբ սահմանված ուղենիշները, այդ թվում՝ որակի ապահովման համակարգի ներդրման հետ կապված վերոնշյալ նպատակները և սկզբունքներն իրագործելու համար պետք է՝

- Կատարի պարբերական մշտադիտարկում, ուսումնասիրություններ և վերլուծություններ՝ տրամադրելով փաստագրված տեղեկատվություն ԿՏՊՔ-ում կրթության և ուսանողներին տրամադրվող ծառայությունների բարելավման համար.
- Փաստարկված տեղեկատվությունը և վերլուծությունները պետք է մատնանշեն ԿՏՊՔ-ի թերացումները տարբեր մակարդակներում և լավագույն փորձը, որը կընդգրկվի և հիմք կհանդիսանա աքոլեջի տարեկան ծրագրում՝ դրանց բարելավմանն ուղղված միջոցառումների ցանկում ընդգրկելու համար.
- Իրականացնի հստակ ուղղորդված միջոցառումներ՝ ԿՏՊՔ-ում որակի մշակույթի ձևավորման համար: Մասնավորապես, ստեղծի բարենպաստ միջավայր քոլեջի վարչակազմի, դասախոսական կազմի և ուսանողների մասնագիտական զարգացման, դասավանդման և ուսուցման նորագույն հմտությունների և գիտելիքների ձեռքբերման համար.
- Ստեղծի կառավարման և հաշվետվողականության թափանցիկ համակարգ, որտեղ ուսանողները, դասախոսները և վարչակազմը իրենց մասնագիտական տիրույթում մասնակցեն որակի ապահովման գործընթացներին և կարծիքներ ու առաջարկություններ տրամադրեն՝ որակի ընթացակարգերի և գործընթացների բարելավման նպատակով.
- Ծառայեցնի կառուցվածքային ստորաբաժանումները և ռեսուրսները որակի ապահովման գործընթացների անխոչընդոտ իրագործմանը և համակարգի բարելավմանը:

5. ՈՐԱԿԻ ՆԵՐՔԻՆ ԱՊԱՀՈՎՄԱՆ ՊԱՏԱՍԽԱՆԱՏՈՒՆԵՐԸ

5.1. Որակի ներքին ապահովումը գտնվում է ԿՏՊՔ-ի դասախոսական և վարչական համակազմի յուրաքանչյուր անդամի պատասխանատվության շրջանակներում և հանդիսանում է նրանց առօրյա գործունեության անբաժանելի մասը:

5.2. Որակի ներքին կառավարման համակարգը.

- ԿՏՊՔ-ի տնօրեն-պատասխանատու է համաքոլեջային որակի ապահովման քաղաքականության իրագործման համար.

- Որակի ներքին ապահովման կենտրոն-պատասխանատու է որակի ապահովման քաղաքականության և հայեցակարգի բարելավմանն ուղղված առաջարկների ուսումնասիրության, կանոնակարգային, ընթացակարգային, չափորոշիչ-փաստաթղթերի և

առարկայական(մոդուլային) ծրագրերի վերանայման, քննարկման ու ուսումնամեթոդական խորհրդի հաստատմանը ներկայացնելու համար:

Կենտրոնը պետք է համագործակցի քոլեջի ամեն ստորաբաժանման որակի ներքին ապահովման պատասխանատուների հետ:

6. ՄՇՏԱԴԻՏԱԸՄԿՈՒՄ

Որակի ներքին ապահովման կենտրոնը պատասխանատու է ԿՏՊԲ-ում որակի ապահովման քաղաքականության, ընթացակարգերի և գործընթացների իրագործման վերահսկողության և մշտադիտարկման համար: Այդ նպատակով ԿՏՊԲ-ն համապատասխան համակարգի, գործընթացների և մեխանիզմների միջոցով կապահովի ներքին և արտաքին հետադարձ կապը: Կրթական գործընթացների կազմակերպումը, ինչպես նաև ինստիտուցիոնալ տարբեր մակարդակներում կառավարման գործընթացները մշտադիտարկվում են ուսումնական տարվա ողջ ընթացքում՝ համապատասխան գործիքակազմի միջոցով: Մշտադիտարկման և վերահսկման նպատակով տեղեկատվության հավաքման և մշակման համար որակի ներքին ապահովման կենտրոնը համագործակցում է ԿՏՊԲ-ի կառուցվածքային բոլոր ստորաբաժանումների հետ: Արդյունքներն ամփոփվում են յուրաքանչյուր ուսումնական տարվա ավարտին և մշակվում համապատասխան երաշխավորություններ, առաջարկություններ և միջոցառումներ՝ թերությունները շտկելու, իսկ լավագույն փորձը՝ տարածելու նպատակով:

Կոտայքի տարածաշրջանային պետական քոլեջի տնօրեն



Գ. Գևորգյան